



**BA PUBLIKASAUN IMEDIATU
27 JULLU, 2017**

Estadu Unidus no Timor-Leste sei halao ezersísui konjuntu annual CARAT

Forsa Naval Estadu Unidus, Forsa Mariña Estados Unidus no Forsa Defeza Timor-Leste (F-FDTL) sei servisu hamutuk iha ezersísui annual Cooperation Afloat Readiness and Training (CARAT) husi loron 31 fulan Jullu to'ororon 4 fulan Agustu 2017. Aviaun Boeing C-40 sei lori marineiru no ekipamentu sira mai Timor-Leste iha loron 28 fulan Jullu no sei fila hikas hafoin ezersísui CARAT remata.

CARAT halao ona durante tinan 23 nia laran no ezersísui ne'e nu'udar serie ezersísui militar bilateral entre Forsa Naval Estados Unidus ho Forsa Militar Timor-Leste, Bangladesh, Brunei, Indonesia, Malaysia, Filipinas, Singapura no Tailandia no ba Timor-Leste ezersísui CARAT tinan 2017 ne'e mak ezersísui ne'ebé halao ona ba dala lima ne'ebé sei foka liu ba hadiak kapasidade siguransa marítima no hasae kapasidade téknika no ekipamentu inklui atu haforte servisu ekipa militar ida nian ne'ebe efetivu. Abilidade téknika ne'ebé sei hadiak diak liu tan iha ezersísui CARAT ne'e mak tékniku salva vida, siguransa ro'oronian no manutensaun ekipamentu.

Ezersísui ne'e deseña laos deit atu hadiak abilidade ba siguransa marítima no koezaun operacional maibe CARAT mo'os fo'orimportansia ba hametin relasaun entre forsa rua liu husi atividade desportu no sosial sira.

###